

校

禮

堂

詩

集

校禮堂詩集序

凌君次仲究心漢學博觀羣書名滿天下列傳儒林不  
必以詩傳也奚俟爲之序也然而序之不能已也從張  
生其錦請也曷爲從張生請張生之師事君生則康成  
之於扶風死則北海之於康成也校禮堂文集之刻張  
生成之也茲又衷君之詩走質余蓋將以授梓而未逮  
也余受而讀之時而渾涵汪洋千彙萬狀則少陵之爲  
也時而崇巖峭壁萬仞崛起則長吉之爲也又時而吐  
語高華修詞綺富則錢劉溫李之爲也因而怪漢儒之  
專治禮經者多不能詩君學其學者也胡以又能詩也

是蓋譬若水無心而爲溪也及其溢而流焉遂不自知其浮花而蕩藻也山無心而爲雲也及其蒸而上焉遂不自知其窮態而極妍也然則漢儒之淹貫君之所有也君之華藻漢儒之所無也且禮以防性詩以適性剛柔互用本異流而同源也余則又謂君之詩不可不傳也然而不可不傳者君之詩而能使君詩之傳者張生也張生之於君真所謂謹養而敬祭者也知必有以遂其志也故亟書數語還之以速其成

嘉慶二十年歲次乙亥秋潞河白鎔書于太平試院之懷衮樓

凌次仲先生校禮堂詩集題詞

宣城張

炯惺齋

避熱就冷官陽坡種茶久同出蘇齋門遇我一何厚禮

經善校讐釋例細爲剖茹古醇乎醇直接康成後維時

阮中丞秉筆誠非偶煌煌傳儒林惠棟戴震同不朽餘

事拈霜毫溯自卯及酉無黨與有鄰贈詩列堂右詩篇大定

劉無黨書法開元蔡有鄰先生贈句候焉騎鯨遊人求遺草否吾宗有通

儒廣文所業辦香守師傳獨寶之以心不以口攜篋千

里行匹馬黃河走歸來擇梨棗匠氏勞雙肘近復索題

詩好我忘老醜更聞手澤多頡頏漢儒有何當布寰區

羽翼魯中叟春江生晚潮夜月伴南斗公乎其鑒茲願

校禮堂詩集

題詞

酬一杯酒

校禮堂詩集目錄

卷一

甲午

靜女吟

送人南歸

同章酌亭夜游國清寺

河溢

乙未

和酌亭彈琴見憶之作

秋日飲酒用秦太虛韻四首

酌亭往贛榆云十日始歸作此懷之

校禮堂詩集 目錄

登謝祿山觀海 并序

丙申

牛墩河

古佛寺大松歌

雨中遲章酌亭不至戲作長句柬之

游崇真觀同酌亭作 送吳牖雲

送程時齋游關中

二十生日作歌七首 并序

里巫行

效昌谷體同酌亭作

丁酉

題羣仙渡海圖

鐘聲

題程序堂畫山水

寄懷張雲汀先生

讀范德機詩口占 古意

卷二

戊戌

送許書谷歸里三首 鈔昌黎集成書後

題周柘占白描十八羅漢渡海圖

訪李問原不遇 送王春明廣文

贈許石園兼以誌別 種竹和酌亭

遊圓林寺 冬日過孔望山

遊仙詩四首

己亥



別家

別先君子柩

留別胸陽諸友四首

途中感興

安東道中

渡黃河

席家橋

袴下橋

漂母祠

高郵道中

真州宋舊使館懷古

登高寺塔

題羅雨峰鬼趣圖

得家信

初食鰯魚

登奎光閣

九日資福寺看菊花

論曲絕句三十二首

懷酌亭

程時齋山左書來云有

登岱之作見示書達而詩不至戲作

卷三

庚子

送方竹樓之潤州

看桃花

挽趙雪篷

送鄒超然

寄酌亭

留別許嵩陽表兄

阻風青山

黃天蕩

舟中望攝山

登雨花臺

采石

泊蕪湖

張睢陽廟

桓公嶺

木元生言

桓公祠

簪嶺

初至家有感

里中雜詩十首

并序

來青軒夜坐

辛丑

深渡

米灘

淳安

謝臯羽墓

過富陽

錢塘江

辛丑正月二十四日過杭州易舟將發倉卒中

偕猶子

嘉錫

放棹西湖僅半日許歸途依依

猶覺清暉之戀人也

過平望

吳江道中

虎邱雲巖寺

滄浪亭

無錫道中

魯子敬墓下作

渡江望金山

卷四

壬寅

錢唐廉吏行爲山陰童丈二樹作

并序

中秋泊美人灣

自高郵至寶應

淮以南數百里無片石累日舟中意殊不樂戲

作夢遊蜀道歌以自廣

校禮堂詩集 目錄

讀元遺山集

渡黃河作

宿王家營

發衆興棄驢坐牛車上

順河集

五花橋圯於水行者咸

以舟渡舟人言水自駱馬湖來由沐陽下海

州也聞之悵然

晚抵紅花埠

傾蓋亭

夜至李家莊

渡沂河

過大峪厓

青駝鎮道中同張秋堂飲村店

蒙陰縣

高堂生墓

新泰重陽

羊流店弔羊太傅

望泰山

岱廟

望徂徠山

黨竹溪故里

發肥城口占二首

宿長清白雲閣

嚴相公廢祠

齊河懷古

德州道中

平原行

董仲舒祠

河間獻王墓

鈎弋夫人歌

路見菊花

河間城北三十五里有地曰毛精壘相傳爲漢

毛公塋處胡稚威撰河間縣志謂金末賊毛

積元末賊毛貴皆嘗掠河間壘以毛名非積

卽貴非毛公冢也

癸卯

題吳上舍讀易圖

古意二首上翁覃溪師

客有以萬壽寺僧七松圖索題者書此應之

宋漫堂中丞重雕宋本施注蘇詩乃邵青門所

改竄者原本殘蝕斷爛僅十之七中丞裝標

藏藹自他山所見影寫本後世久不知有真

鼎乾隆癸巳翁覃溪師以十六金得之燕市

舊題曰注東坡先生詩欸書吳興施氏吳郡

顧氏有毛子晉及宋中丞印始知世所行者

非真也癸卯二月出以見示命廷堪作詩題  
於後

癸卯二月洪素人比部出守順德覃溪師以所  
藏成化七年順德守黎永明所范銅爵贈行  
兼送以詩屬廷堪和作

程彝齋招同王石臞工部小集

聞洪素人太守計二首

### 卷五

甲辰

甲辰二月至揚州金棕亭先生招飲兼贈二律



卽席次韻

誰莊圖爲葉詠亭文作

夏日感興

甲辰去揚州阮伯元賦

詩見送作此答之

九已

乙巳二月初七日

皇上親臨辟雍講學禮成恭紀二十韻

學古詩二十首

并序

孔撝約檢討過訪深談

竟日

牛師竹先生以余與令

子次原胡大樹思讀書辛苦招游萬泉寺晚

歸設饌暢飲卽席成詩

丙午

送李載園明府之官保定同牛四次原作

懷阮大伯元

曉起望西山有感作

哭章酌亭四十六韻

丁未

小孤山

南昌使署聞翁二宜泉

館選之信用林丈韻呈覃溪師

大梁上畢大中丞四十韻

卷六

戊申

杏花四首和方五子雲

秋帆中丞每歲十二月十九日置酒高會爲東  
坡作生日丁未冬以病不果於戊申正月補  
爲之同人各賦七言長句一章時在坐者吳  
竹嶼舍人張吾山廣文唐栢田進士方子雲  
布衣洪稚存博士徐朗齋孝廉朱秋巖明經  
沈春林上舍王石華滿夫二茂才也

次洪稚存開封寒食日追憶舊遊二十首元韻  
固城店在柏鄉縣北爲古鄆城其南五里有光  
武廟後漢書光武帝於鄆南卽皇帝位卽此

地後更名高邑非今之高邑縣也

正定道中示沈八春林

戊申出都留別胡大樹思牛四次原

己酉

牛揮雲太守宣石假山

孫淵如以編修散館改官刑部卻寄

聞阮伯元館選之信題汪處士印譜

上學使秦端厓先生

庚戌

次韻覃溪師獻縣道中見懷之作

會試聞捷作

四月十八日

正大光明殿覆試恭紀

懷舊詩四首

故禮部尚書座主德定圃先生

故翰林院編修程戢園先生

故陝西道監察御史任幼植先生

故順德府知府洪素人先生

神仙

歸舟雜詩十六首

卷七

辛亥

過龍且鎮作

并序

沐何

過宿遷

楊莊集曉發

符離

蒙城懷古

發渦水

塗山懷古

泊臨淮關

阻風五河縣

泗州僧伽塔近圯於水作詩紀之

蔣家壩

望洪澤湖

周家橋田家

答張集堂明經卽書其

明湖春泛圖後

壬子

校禮堂詩集  
目錄

題謝蘊山觀察種梅圖

蘊山觀察以官齋種梅詩索和次韻四首

題謝砥山明經藝蘭圖

絕句四首

寄壽翁覃溪師六十生

日四首

蘊山觀察以公子益之

崇之昆季常棣圖見示漫書四首

王沛堂爲子作小照賦此報謝

留別蘊山觀察卽次見送元韻二首

胡豫堂先生子己酉鄉試座師也壬子八月始

謁見於江寧試院恭呈一律

雞鳴寺

龍江關阻風

蕪湖懷古

板子磯

銅陵

池州道中

安徽節署偕黃左田黃澹人張子白諸同年侍  
座主朱石君師飲於萊根香軒聯句

皖城夜感

石君師以重陽次日候

題名錄詩見示次韻

余忠宣公祠

吳越王金塗佛塔歌石

君師命作

高淳憶詩人邢孟貞

過溧陽張燮軒明府招飲座中閱順天鄉試錄



知鮑雙五何春林王曉聲管南英畢蘊山英  
照齋諸人獲隼喜賦

泊宜興

呂城懷古

次韻答張集堂孝廉見寄二首

卷八

癸丑

曉發小店集

沂州道中遇雨

宿垛莊驛

過公家城子

去年秋牛四次原以詩見寄忽忽久未答途中  
無事補成一律至都當示之也

答次原詩旣成因念及胡樹思孝廉阮伯元宮

詹復用人字韻再成二律

泰安道中

道傍樹

張夏道中

齊河卽事

大風發晏城

宿留智廟

阜城

過臧家橋

宿河間二十里鋪

過趙北口

雄縣次壁間韻二首

白溝河書所見

過涿州

過蘆溝橋入廣寧門作

清河橋道中

密雲懷古

石匣城

古北口

青石梁

黃土梁

過灤平縣

過廣仁嶺避雨三義菴

灤陽卽景二首

熱河八觀詩

並序

秀峰書院

武烈水

磬鍾峰

布達拉廟

扎什倫布廟

夜光木

金蓮花

杏春園酒樓

塞上七夕

卽事

詠史二首

塞上新秋

淮陰史上含性嗜花江鄭堂賦芍藥吟贈之癸

丑夏客灤陽出以見示並索和章因次鄭堂

韻

熱河中秋

荏平

孟廟

望嶧山

卷九

甲寅

寄祝座主韓城公七十壽詩四首

題程尹谿觀日圖

題載空上人補衲圖

答孫熙堂

泊橫林

重陽日過嘉興作

雨中過石門縣

塘棲道中

靈隱

龍井

自靈隱至龍井放舟循

白沙堤而歸

次廉使謝蘊山先生九

月晦日行香天竺遂至龍井由瑪瑙寺放舟

而回四首元韻

題胡雒君環山舊隱圖

次韻答謝公子崇之

次謝蘊山先生湖上看

紅葉二首

題詹笠東明經小照二

首

乙卯

喜海寧陳仲魚雪中過訪并題其說文解字正

義

同胡雒君游天竺

韜光

過嚴子陵釣臺

白沙埠

港口道中

街口舟中卽事

金灘

題程易田先生讓堂話別圖

休寧道中

望齊雲巖眞武殿作歌

雨中過楓嶺

大洪嶺

油炸嶺道中

柏山渡雨發

發雞兒灘雨中卽事

黃湓

渡江喜晴

題桐陰讀易圖

采石望虞雍公戰處有感

金陵懷古用王荊公韻四首

卷十

丙辰

題王柘庭壯士十年歸圖

周景峰邀游敬亭山翠雲庵歸以詩見示奉和

二首

題朱琴川集陶詩後四

首

次韻答朱立堂

寄祝山西方伯謝蘊山先生六十壽二十四韻

丁巳

寧國學署梅花盛開偶作

聞抱經先生卒於常州之信

皖城喜晤朱少河同年卽次石君師寄少河詩

元韻

座主石君先生內遷兵部尚書恭送四律

泊大通

偶成



題表忠錄爲桐城孫節愍公作

晉輒歌

并序

題胡本亭小照二首

題吳楚帆同年洗硯圖二首

題孫雨窗公子竹窗聽雨圖二首

伯元閣學以秋桑詩四首見寄時別逾四載離

緒方深謹次元韻聊志搔首踟躕之感

題張季虎天女散花圖

王子卿取易觀卦六三爻辭作觀齋圖因以自

號石君師闢風地之義題之蓋勉以觀國尙

賓云爾丁巳十月子卿來宣州出以見示爰

用鄭學發明師說

吳春麓同年客宣州每過學齋輒論文不倦昨  
以二詩見柬意甚謙下余愧其言久而未答  
時春麓家貧將以縣令就吏部選而會試之  
志不堅酒後偶有所觸率成二截和之與來  
意各不相蒙也

卷十一

戊午

題楊克堂醉漁圖

偶作

答孫雨窗公子見寄二首

校禮堂詩集

目錄

題張季和黃山紀游詩卷

石君師用昌黎薦士詩韻題校禮圖見贈五言

古一章敬次元韻報謝兼答阮伯元閣學王

儕嶠編修

晨起見庭中鳳仙花大放偶作

錢氏蒲圻張兆書妻也兆書卒兩子皆殤兆書  
有兄前卒其遺孤隨嫂他適錢取歸而子之  
又取其母家溺女育之以爲婦張氏祀得以  
不絕朱石君師爲作孝友慈貞詩敬次元韻

已未

己未四月二十八日閱會試題名錄知牛次原  
諸人登第喜而酌酒醉後有作

題朱約齋小照

讀史有感二首

禮經釋例稿成有作

庚申

題黃少眉笈雲圖小照

周最峰以愛游圖見寄索題

施明經南歸聞胡樹思卒官京師之信

雨夜讀張江陵太岳集書後

過湯霍林司成故宅

後學古詩十首

有序

野望

卷十二

辛酉

黃直民同年以其先人牧原先生蘭心圖索題

漫書一截

舟中卽事

答姚姬傳先生

皖上留別曾西井明府

泊繁昌舊縣舟甫繫風浪大作戲成小詩

題邢佺山同年讀書松竹林圖

辛酉春間謝崇之公子去秋鄉試捷音兼寄中

丞蘇潭先生

程敬持舊及余門今春

不遠千餘里自朐山來從學余甚愧焉頃將  
應江寧鄉試於其行也詩以送之兼寄令叔

石村

遺悶

小游仙詩二十首

有序

晚桂

我愛二首

長興三鵝岡有晉謝太傅墓歲久漸湮邢仝山  
同年捐俸葺之并爲考見示徵詩漫賦一律

壬戌

和杜竹吟刺史元旦卽事

答趙肖巖中書見贈二首

朱錫章大令以飲中八仙圖屬同人題分得李  
適之崔宗之二首 洪稚存同年自塞外歸  
土講旌德迂道過宣城見訪留宿齋中次日  
邀同趙肖巖中書戴斗垣廣文消斗垣令子  
爾勤孝廉徧游南樓諸勝晚歸小酌卽席成  
詩

戴爾勤孝廉見和鄙作

謙下過甚請受業於余同辭不得命仍次前  
韻奉答兼以志幸 題吳復齋夢遊僧寺悟  
前生圖

李營甫司馬招飲卽席

癸亥

宛陵晤蔣希裴并追憶令兄竹史同年

題瞿莚生槐庭讀禮圖二首

宿西河鎮蚊多不能成寐戲作

詠道旁烏桕樹

寄張季和

錢辛楣先生以壬戌四月二十六日重游泮宮

詩寄示命和次韻 方穀存書來以二詩見

懷索鈔鄙著甚殷且云有重鋟通雅之舉奉

答二首穀存密之先生五世孫

讀崔寔政論作

張季和以尊甫柏園先



生西阪草堂圖屬題漫賦一律

朱學坡庶常之母未婚守志介陳鳳石同年來

徵詩應以二截句 題張鞠園太守揚子飽

帆圖

題許節婦帶餘草

名燕珍

二首

題楊健齋明經詩卷二

首

答方象三

題蒲快亭同年出塞圖

蒲快亭施雪帆以小集北樓詩見示戲柬

癸亥十二月梅花大開偶作

甲子

吳之水騎尉新構書室成屬作詩落成率賦二  
截

次韻牛次原戶部庚申

初秋湘江舟中見憶二首

寄祝座主韓城公八十生日四首

次吳石臣進士見贈二首元韻

方茶山同年以比部郎出守江西迂道宣州過

訪是晚飲魯子山太守署中次日招同吳石

臣進士戴斗垣廣文小集學齋卽席成詩兼

以誌別

甲子重陽前後屢有持

螯之會座中施雪帆戴蓮塘吳石臣戴斗垣

諸君疊韻倡酬索和甚亟勉成長句

次韻魯子山太守西華紀事詩四首

題同年陳子犀比部借書圖二首

周石落明府以其六世祖忠毅公玉印見示并

索題句敬賦一章印刻季侯二字公名宗健

季侯其字也

題汪鑑亭太守小照二首

題戴斗垣漑菊圖二首

卷十四

戊辰

戊辰三月晦日雪

卽事

月夜卽事

麗仲出十年前所畫小

照見示漫書

題畫冊因憶舊遊二首

聞戴爾勤南宮提音詩以寄之

深渡去歛南六十里乾隆庚子偕先兄及大姪  
扶先君子柩歸葬次年正月由浙往揚泊舟  
於此風景尚依依如昨也

威坪卽挈源洞在淳安北六十五里韓蘄王擒

方臘處也

桐廬

將到杭州作

舟中坐雨

秋分日渡浙江作

舟中卽事二首

姚江篇

鄞城秋感

夜渡曹娥江

游南鎮廟道逢芸臺中

丞騶從口占

南鎮廟

過蕭山

歸舟偶作

戊辰十二月十九日雪後登小金山其地去淳  
安十里有汪氏始祖墓墓前石刻書乾隆己  
巳稠墅汪氏重修其記稱漢中平間龍驤將  
軍守會稽汪文和深以爲訝同游者云是漢  
時欽州刺史見汪氏家譜當必有據戲拈一

截示之

已巳

紙鷺戲和陳桂堂太守

題阮梅叔珠湖漁隱圖

題韓錦仙課經圖

寄張褰伯 有序

贈種花汪叟

先師次仲先生年十五能詩其集編年則始於甲午隨時地各異其名甲午至丙申爲學吟集丁酉至戊戌爲傭書集總名紫石山房吟草後刪爲海隅集已亥爲鑒江集庚子十一月至辛丑二月爲

負土集壬寅八月至十月爲遊燕集癸卯至庚戌  
本名春草閣詩後更刪爲易蜩集及秉鐸我郡乃  
去舊集之名統前後所作總名校禮堂初稿於舊  
作間有刪改庚午冬錦往海州搜輯遺稿多被人  
攜借鈔閱程君敬持同門中最留心詩學者得詩  
底本十之四擬欲付梓錦謂零星傳之不如總編  
之爲尤可行遠也竝索歸共編輯爲十四卷顏之  
曰校禮堂詩集至乙丑丙寅丁卯三年無詩者讀  
禮不吟非佚也昔先庄嘗以作詩之法示學者曰  
詩本言志須充之以學養之以氣取法於歷代詩

家一切超前絕後之作其道乃成若徒以古人之  
詩而摹擬之雖李杜蘇黃諸集於我無益也故先  
師所自爲詩學富才膽能兼古來作者之美而自  
成一家前學使白小山先生序之曰時而渾涵汪  
洋千彙萬狀則少陵之爲也時而崇巖峭壁萬仞  
崛起則長吉之爲也又時而吐語高華修詞綺富  
則錢劉溫李之爲也而其錦竊謂卽此愈可見自  
成爲先生之詩矣至於聲韻之協對偶之工江鄭  
堂先生尤歎爲一時獨步今詩具在讀者當自悟  
焉時道光六年仲秋月朔日受業宣城張其錦謹



校禮堂詩集

目錄

識

校禮堂詩集目錄

小門人宣城張家湜校字

校禮堂詩集卷一

欽凌廷堪次仲撰

甲午

靜女吟

靜女顏如花靜女心如石一任春風吹肯使眉峰碧井  
水不生波槁木不生枝春風日搖蕩春風空爾爲

送人南歸

節近清明喚賣餠伯勞飛燕帶離聲乍聽夜雨難爲別  
纔換春衣又送行遮路雜花歸騎緩蔽江新柳客帆輕  
到家正及櫻桃熟願借東風十日晴

同章酌亭夜游國清寺

偶來遠公社共逐白雲行天籟發何處松聲相與清林  
風驚鶴夢潭水澹人情永夕結遙想霜華流月明

河溢

甲午八月十九日鐵牛岸崩河水溢黃流浩汗訇如雷  
淮壖盡作蛟龍室黑風吹水相關爭濤聲撼天天爲驚  
可憐歎首走無路咄嗟人命鴻毛輕傳說瀕淮百餘里  
居民皆逐洪波徙號呼望救聲入雲富強登舟貧弱死  
死者骨肉爲塵泥生者俱上長淮堤淮堤無米不得食  
惟見日暮風淒淒垂頭枵腹但枯坐編葦棲身忍寒餓

濕薪熟釜冷不煙婦子無聲淚交墮作詩寄語淮之民  
九重恫瘼同一身指日

恩綸下天府河隄使者加拊循補偏救弊

聖王政坐令薮屋生陽春洪範五行多附會願隨擊壤  
頌

皇仁

乙未

和酌亭彈琴見憶之作

林端棲鳥寂危坐撫冰絃衆壑自成響孤雲方佇天相  
思托明月雅韻寄流泉同調關心久臨風倍惘然

彈琴期凌仲子不至

續溪章 洞酌亭

向夕雨初歇美人期不來當門松竹靜臨水菱荷開  
高枕涼生簟疎簾月照杯孤琴候蘿逕永夜意徘徊  
秋日飲酒用秦太虛韻四首

山居寂無事養此衡茅真秋風颯然至黃葉落我身感  
此悟物理一故難更新不如飲美酒緬彼羲皇人  
舉杯追羲皇何論秦與漢蜾蠃螟蛉流不復同憂患二  
氏小智鑒六藝大道散獨醒泊沈酣達觀本無間  
頽然卧前楹呼童爲煮茗茗熟松風瀉我醉方未醒夢  
化蝴蝶形神遊太古境恍惚逢麴君相與話醅酎

覺來秋聲作起拭蛟龍脣幽咽不成曲還酌梨花春醉  
鄉有天地寥廓誰與鄰萬事皆不知聊用怡吾神

酌亭往贛榆云十日始歸作此懷之

分手能幾日離懷難自由相思頻望遠風雨亦登樓山  
送溪聲晚天連海色秋遙憐素心友吟斷白蘋洲

登謝祿山觀海并序

宋樂史太平寰宇記東海縣有謝祿山在縣西一里  
王莽時東海徐宣謝祿擊莽將田況大破之曾屯兵  
於此因名按今鳳凰城卽宋東海縣故城山在城西  
一里與記合其爲謝祿山無疑土人呼爲社林山蓋

聲之轉也舊志不知鳳皇城爲東海故縣第稱賈似  
道所築蓋似道寶祐二年嘗城東海也乾隆乙未同  
章酌亭來游賦此紀之俟他日撰地志者采擇焉

陽侯驅濤天外來巨浪倒蹴青天開潰淪一氣望不辨  
喧闐白晝生風雷長空灝漭日月伏遠浦擊汰鼉鼉迴  
被襟有客踞峰頂下瞰萬頃如一杯金蟬小島浪花裏  
狂瀾作柱猶崔嵬天風浩浩肆鼓盪兩腋蓬勃何雄哉  
乘風我欲到元圃願挾盧敖游九垓青螭桀驚不可馭  
側身東望空徘徊妖蜃播靈競幻化滄溟忽闕金銀臺  
飛仙羽士控鸞鶴珠宮貝闕疑瓊瑰眼前此景許誰道

元虛一賦真奇才昔者巨君竊漢鼎赤眉曾此屯渠魁  
西行入關走更始提挈盆子如嬰孩白水真人坐高邑  
迅掃六合無氛災鐵脰銅馬已泯滅尤來大槍俱破摧  
茲山尙得名謝祿不與鷲迹同蒿萊田橫島連呂毋固  
至今魚鼈猶生哀海濱自古稱盜藪鯨窟安得揚塵埃  
分爭割據底足問鯤鵬蜉蝣皆劫灰俯仰宇宙三歎息  
浩歌擊劍傾尊罍

丙申

牛墩河

斷岸一雙联孤村三兩家人煙聚高阜帆影落殘霞行



役心初壯登臨興未賒黃雲連曠野四望總無涯

古佛寺大松歌

在大伊山上卽太平寰宇記所謂大伊萊山也寺有二松皆數百年

物一統志古佛寺在大伊山後宋時建

金繩掣斷開天宮天門夜遁雙虬龍霹靂一聲墮山谷

化作天矯百丈之長松幾經劫火燒不死爪甲怒欲行

虛空古肪下凝赤琥珀孫枝上結青玲瓏根傍胡僧憩

寂莫松子食盡方雨瞳倥傯已往不可作唯聽濤聲日

夜相撞春千年老鶴化道士聽經夜步中庭中月明天

籟下空碧清唳相答流松風似此萬牛迴首棟梁質胡

爲俯首遯蹟榛莽叢大材固難售良匠安可逢降身乃

與檣櫟等雨露亦戴造化功  
清泉白石恣偃仰澗底鬱鬱  
鬱長青葱蒼穹有路或可上  
天生神物寧長窮他日晦  
冥風雨恐飛去寄語山僧持  
護須從容

雨中遲章酌亭不至戲作長句柬之

北風朝來緊格格凝雲壓檐  
雨連夕小窗寂寞卷慵開  
竹樹蕭森起寒碧淙淙潤物  
漸有聲指顧春膏深一尺  
東阡西陌半冥濛始信陽和  
能布澤田夫歡喜餉婦歌  
今歲坻京看宿麥其如賤子  
卧茅齋咫尺同心竟睽隔  
相思相憶不相見卻對甘霖  
亂愁積安得祁祁沃四野  
獨我門前晴似炙離憂農事  
兩無妨底用披簑著雙屐

偶生此想旋大笑跨鶴揚州真戲劇雨師非汝舊相知  
豈能屈曲從汝役祁寒暑雨民怨咨造物元無百全策  
假使車前開八騶蜀錦連錢何足惜不然被甲戰洮川  
冒雨猶看奮矛戟可憐潢潦悉江河此境唯能困貧客  
聊作長歌持寄君胸次休教苦偏窄於此紬則於彼伸  
消息盈虛在義晝會須張繖挈榼來聽雨聯牀浮大白

和作

章 洞

好句風吹至相思咫尺違但令天作幕何必瓦爲衣  
古砌添蒼潤閒窗失翠微酒徒如可約著屐叩君扉  
游崇真觀同酌亭作

脩竹過牆柳四圍小橋南望路依稀水涵秋影雁初下  
門掩夕陽僧未歸禪室半收青嶂入畫檐低露白雲飛  
談餘試向空庭立不待聞鐘已息機

送吳牖雲

斫地高歌一曲終何須搔首歎萍蹤馬當中坂虛爲驥  
劍過延津定化龍渠輩但知溫飽樂吾曹那作別離容  
搶榆斥鷃多相笑珍重扶搖九萬重

送程時齋游關中

丈夫旣不能建不世功麒麟象光熊熊復不能遠遊  
東書事萬里名山大水羅心胸吟詩作賦北窗下矻矻

烏足稱英雄程君吾郡名家子壯懷欲交天下士朝來  
擬作秦中游仗劍咸陽訪知己臨岐握手東海頭一杯  
酒盡青山秋送別以詩世俗見可憐多事韓與侯祇將  
一言向君說醉後分明寸心熱但須氣壓蒼山低莫使  
歌殘唾壺缺君不見衛叔卿逍遙白鹿游太清又不見  
李謫仙欲攜好句驚青天仙人詩客身已沒姓字嶽嶽  
直與太華名俱傳程君程君勉乎哉眼前齷齪多凡材  
富貴直可操券得向西一笑長安來黃河如絲走奔雷  
日射四扇潼關開二嶠九嶷青崔嵬此時日已無雲臺  
顧盼叱咤皆可喜收拾山川來筆底萬顆驪光千尺長

好爲故人傳一紙故人豪氣空峻嶒千霄伏櫪均無憑  
春來盼斷梅花使夜夜相思隔灞陵

二十生日作歌七首

并序

杜少陵同谷七歌其體出於平子四愁其數同於枚  
乘七發沉鬱頓挫神與古會所謂不可無一不可有  
二者也青龍在涪灘之歲廷堪生二十年矣日躔壽  
星月離觜躔吾降值焉聊師少陵遺意作短歌七章  
以寄慨學步壽陵非愚卽妄知見嗤於識者然鵬鷃  
不過大小之分而已其所以自適則均也

男兒致身貴年少里閭顧盼生光耀二十風塵名未成

爲爾寂寂鄧禹笑塞外敢云可立功肘後取印更難料  
有時美酒傾千觴百端交集何茫茫

我昔孩提先子逝終天之恨誰與陳有匱十年未歸葬  
嗚呼天地一罪人稜稜寒月浸旅櫬白楊聲急狐狸嘯  
回首故鄉不可見再拜荒原淚如霰

小人有母喜強健與兄力養共操作清晨奉觴爲母壽  
侑以雞豚雜藜藿忽聞剝啄知友來更出草蔬供友酌  
我友不以我爲薄雖在貧賤亦云樂

原上春令飛急難嗟我伯仲常饑寒他鄉辛苦久行役  
南望淮水波漫漫霜露將降木葉脫八月念子衣裳單

秋燈夜雨照斗室胡不歸來聽蕭瑟

海東有山名蓬萊中有玉闕金銀臺神仙排雲導客上  
青童笑進黃金杯王母髮白廣成老我壽天地同昭回  
惜哉欲往鯨鯢隔不能生彼昇天翼

有蠹有蠹乾書帷窮經矻矻令人悲英雄本色在戈戟  
瑣瑣安事毛錐爲弓作霹靂箭餓鴟景宗壯士眞可兒  
何當盤稍策怒馬生擊猛虎南山下

我懷無限向誰剖游仙擊劍竟何有人間富貴如浮雲  
那知許事且飲酒糟牀已注禾黍豐天公畀我意良厚  
丈夫遇合終有時何必長歌獨搔首



里巫行

巫鼓一擊靈旗開踏雲天馬從天來神弭再調萬靈塞  
金支翠羽紛如織爭言神來人莫覩老巫偃僂代神語  
刈穀多晴種多雨神鑒汝誠當佑汝數言未畢男婦欣  
呼兒酌酒酬謝神神歸無聲山悄悄家家殺雞供巫飽  
巫飽日暮攜錢歸前村後村蝗亂飛

效昌谷體同酌亭作

碧光皎皎嘯林末陰氣觸膚寒似割白楊得風作人語  
無數青燐草間活十年笑靨化成土剝夢零魂無定所  
古苔生骨寒不眠秋井燈昏夜來雨

丁酉

題羣仙渡海圖

昔夢乘赤鯉高舉攀紫烟蓬萊方丈若在望羣仙招手  
虛無邊三千弱水不可以徑度乃呼徐福喚取秦皇舊  
日之樓船樓船已朽不知處風馬雲車若可馭駕青虬  
兮驂白螭金支翠羽光離離雙童執節前導引海水羣  
立搖空飛回頭偶一顧塵世但見齊烟九點青微微此  
時萬靈百怪爭來集海若出舞巨鼈立然後左攜洪崖  
生右挈浮邱公安期羨門時一逢身披百尺繡黼黻手  
把十丈金芙蓉珠宮貝闕忽已到握手千年唯一笑蕭

我揖讓升階行琅玕芝草穿徑生兩傍仙娥各美好肌  
如玉雪長眉青瓊筵乍開仙樂奏魚鳳烹龍競相侑虎  
瑟鸞笙歌未停喔喔天雞驚曉漏覺來枕席皆烟霞半  
壁寒燈小於豆此情此境難再求披圖恔悅思夢遊瀟  
聲山色盪尺幅仿佛幻景凌滄洲羣仙相看舊識面我  
欲從之游碧漢故人云此是丹青令我茫茫目幾睂吁  
嗟乎神仙有無何渺茫夢游圖畫俱荒唐何如日夕飲  
美酒醉卽射虎南山岡

鐘聲

斷續寒空外疎鐘到處傳一聲驚敗葉半夜警枯禪野

寺月窺牖客舟霜滿天何人發深省三復杜陵篇

題程序堂畫山水

碧天無際水滔滔千尺憑空斷岸高老鶴不鳴江似練  
萬松深處捲秋濤

寄懷張雲汀先生

我所思兮不在於南不在於北復不在於東側身西望  
心忡忡我聞神州之西有蠶叢肇基上世開鴻濛愚公  
所移巨靈所擘皆不及此唯見縣厓疊嶂哭兀撐青空  
我所思兮在其中其中風土多不宜身雖未到聞而知  
西南漏天古未補至今幽澁常多雨駕鵝前飛城後舞

被髮猩猩作人語烟昏密箐啼斷猿月黑深林嘯飢虎  
青泥高兮我馬愁水有石兮能摧舟宦遊商賈均有求  
君獨何爲此淹留或言草堂之詩文園之賦或以土居  
或以流寓江山有助文章奇萬歲千秋名益著君不歸  
故鄉良亦職此故憶君在海上授我爲聲詩謂我下筆  
古有若屈宋辭別來歲月如鷗馳羣言百出塗多岐吁  
嗟乎我無長房術縮地焉可施我無晨風翼安能淩風  
飛支離散木失規矩重蓬匠石知何時

讀范德機詩口占

雨止修竹流螢至此句見賞王漁洋果然幽澁如鬼語

尚遜池荷聞暗香

古意

夏雲非春雲反覆無定姿  
郎心非妾心知郎心向誰

校禮堂詩集卷一

校禮堂詩集卷二

欽浚廷堪撰

戊戌

送許書谷歸里三首

秋風從西來吹我游子裳感此命僕夫晨起趨行裝借  
問此何之駕言歸故鄉黯然念居人置酒臨高堂明知  
別在邇且與暫傍徨相顧不能語離心浩茫茫賤子歌  
一言爲君佐壺觴生才冀有用種蘭冀有芳努力崇令  
名胡爲結中腸

飛鴻猶惡離征馬常念羣况我本未歸復與親串分相

送上河干木葉何紛紛伊人隔秋水極浦多寒雲欲賦  
送君詩恐君不堪聞綢繆各自知焉用飾虛文揮手開  
征帆去去勿復云

廿載處海濱寂莫誰爲儔羈旅未能返心事悵悠悠甘  
旨給藜藿邱隴荒松楸翹首望舊鄉欲歸道無由今忽  
送君行淚下不可收悽惻良有以豈徒因離憂何時乘  
長風翩然送歸舟共子把釣竿濯足雙溪流

鈔昌黎集成書後

苦被饑驅不自持雞鳴爲利日孳孳年來猶喜傭書暇  
鈔得昌黎一卷詩



題周秬白描十八羅漢渡海圖

吳門畫師周秬貌人貌鬼皆好手偶然寫作十八羅  
漢渡海圖神采都非塵世有其一偏袒露雙腳虬須連  
鬚肩戎削其一張目苦無語以手指口神澹漠高顙老  
宿瘦兩頤肢體乾腊疑枯龜控伏獅子如控狸巨力信  
足驅熊羆何人纓絡下垂地或來把臂笑相示別有應  
真駕杯水上游安穩不啻萬斛舟漫驚徑寸之器不能  
容此大法相彼已身境兩忘有如靈地牛背立比丘攜  
隻鳥豐者趺坐頤者壓其脊電眸虎齒龐眉師側視廣  
額手拄錫其餘炯炯亦天人四注元精不可敵最後者

一尤彭亨狀貌大略同山精不撓外物中有恃目送黃  
龍蜿蜒形或聚或散波面行天吳馮夷俱震驚海若乘  
主磬折迎尺幅萬里聞雷霆人間絕技竟有此是畫是  
境恍惚難分明我聞伯時畫馬身卽馬心手相融烏可  
假知君應是病瞿曇聊向毫端示般若

訪李問原不遇

索處少歡趣偶然乘興來且看修竹坐不必主人回籬  
短犬迎客庭寒雞啄苔他時重到此新釀爲予開

送王春明廣文

四山黃葉句傾倒已三年豈意論交日翻成送客天未

懸名士榻誰送廣文錢  
袞袞何須羨新詩世久傳

贈許石園兼以誌別

石園爲予中表親睢陽太守之子孫十年占畢不得志  
束書遠入春明門一官潦倒走代朔袴褶黃驄老沙漠  
雖然束帶持手版豪氣猶能振山嶽窮邊九月黃雲開  
雪花手大從天來受降城下縱小獵千騎蹴踏轟如雷  
寒空萬里沙草白神珠應手飛霹靂蒼鷹悍然抉雲去  
狡兔妖狐皆失色元熊飲羽挾樹死灑面腥風雪俱赤  
擊鮮下馬紛喧譁葡萄互送何豪奢代姬酤顏艷朝霞  
尊前爲我彈琵琶酒酣興劇鄉思賒穹廬風捲殘雪起

疑是江南桃李花歸來一一向予說夜永談深詫奇絕  
是時嚴冬初落雪斗覺燈前壯心熱不辭大白當君浮  
志氣矜碑橫嵩邱屠門大嚼聊快意腰下含笑看吳鉤  
朝來甦醒分手去黃鵠雙龍不相顧他時游興倘未倦  
短衣期子邊城路

種竹和酌亭

卜築青山下寒泉繞屋流分將數竿碧添起一庭秋雲  
鎖疎窗靜烟含小徑幽養成瓊玉質應有鳳來游

元作

章洞

已具千霄勢何妨傍石栽夜涼深院落寒碧小池臺

淡影低臨水清陰靜覆苔他時風雪裏留待伴疎梅  
遊圓林寺

出郭山光潑眼新客來古寺正清晨穿林殘磬不驚鳥  
當戶老松如攪人風定香煙微有蹟潭空雲影淨無塵  
浮華到此都銷盡細撚曇花認宿因

冬日過孔望山

窮臘溫風拂面吹道傍景物儼春時橫塘水淺竹籬短  
只欠桃花三兩枝

遊仙詩四首

七寶爲犁玉琢耒瓊田日日種明珠耕霞麟子肥於犢

不羨眞靈位業圖

雲查扶上最高層銀漢迢迢冷不冰摘取春星三五顆  
夜窗聊當讀書燈

閒攜仙侶御風行爲訪桃花叩玉京偶拂蔚藍書幾字  
下方都道慶雲生

通明禮罷玉皇回鸞背天風兩袖開猶覺六銖衣太重  
阿環親翦絳雲來

己亥

別家

東風榮蓬根蓬生日以滋欲逐道塗轉戀此三春暉遊

子昧爽興再拜辭庭闈廿載依膝下未嘗頃刻離今日  
遠行役恐母常念兒行李行載塗猶復牽母衣兄爲引  
離尊欲語仍含悲僕夫催登程相視徒依依我馬何蹀  
躞我車何逶迤飄飄白雲飛悠悠使我思

別先君子柩

旅櫬淹胸海悠悠十八春卻含將別淚猶是未歸人漫  
誦千言賦空驚七尺身江鄉何日返南望倍酸辛

留別胸陽諸友四首

幾年杯酒共論文紅燭烏絲靜夜分此去揚州明月下  
玉簫聲裏定思君

程時齋

校禮堂詩集

卷二

三

童穉交親二十年別離那得不淒然何時重到臨溪屋

剪燭關門聽雨眠

李問原

連宵風雨食猶寒把臂休論行路難客邸吟餘倘回首

相思應展畫圖看

程序堂

春草春波綠正遙別魂真見黯然銷問君此後懷人夢

知到揚州第幾橋

章酌亭

途中感興

驢背吟鞭不暫停風光蕭瑟徧郊坰夕陽返哺慚烏鳥  
春樹分飛感脊令夾道送迎雙隻候閱人來往短長亭  
舉頭北望雲連野目斷遙山一帶青



安東道中

風沙驚浩浩一望大堤平  
塔影標晴日河聲撼古城  
壤畦青草滿老屋白茅輕  
去去發長嘯壯懷空復情

渡黃河

沙土冥濛撲面多蕭蕭  
行李渡黃河孤帆背日離高岸  
一葉凌風蹴怒波淺瀨客方看雁  
驚上游人說走蛟鼉  
時儀封河決羈懷牢落何須問擊楫中流發浩歌

席家橋

一溪春水晚蕭蕭  
破帽疲驢路正遙  
杜宇數聲殘照裏  
柳花飛滿席家橋

校禮堂詩集

卷二

袴下橋

蹶楚封齊事偶然英雄誰肯乞人憐  
我來帶劍淮陰市  
不見當初惡少年

漂母祠

項籍婦人仁不辦殺沛公漂母仁婦人  
乃哀王孫窮一  
飯淮陰成不朽一炬咸陽復何有  
賢愚千載兩不知獨  
對長淮自搔首

高郵道中

齒齒晴波漾淺沙石橋南去有人家  
柴門半掩竹籬短  
黃蝶一雙飛菜花

眞州宋舊使館懷古

咸淳師相書畫客悅生堂中養促織天子殷勤枉下拜  
羽書不省樊城逼元祖手握扶桑弓殪金與夏如獵鴻  
西平諸蕃繞滇蜀此時目已無江東通和使者眞難遇  
無罪拘之亦何故矯矯龍性不可撓况復批鱗觸其怒  
遂令吳越百萬家兒女血肉飛烟沙白雁一聲渡江去  
六陵開徧冬青花匡山夜夜啼杜宇眼見江山生換主  
杭州歌惡不耐聽厠上拉胸何太苦木棉菴畔秋月黃  
夜深燐火青茫茫當時本爲保富貴不知國滅身亦亡  
我來覽古眞州道滿目平蕪盡春草一片濤聲卷向東

漠漠江天去雙鳥指點遺墟問郝經至今猶恨小朝廷  
著書館廢知何處惟有年年薺麥青

登高 寺塔

千尋拔地勢蒼茫獨客凌虛覽八荒塞馬北來悲太武  
大江東去憶孫郎有時白浪吞瓜步無數青山拱建康  
試發狂歌答鈴語鳥飛不盡暮天長

題羅兩峰鬼趣圖

苔乾庭黑初落月老鴟如人語幽咽歎來山鬼瞰燈滅  
此時讀君鬼趣圖一豪幻出鬼一車陰風咫尺生座隅  
經營慘澹天外想畫成魑魅與罔兩播弄無窮之伎倆

想見當初落筆時窗外百靈不敢離夜深風破寒江遲  
夷堅之編宣室志圖形難於述其事何人漫云畫鬼易  
我聞役鬼須錢多坐令衆鬼來奔波君今囊漉奈鬼何  
况君詩聲宏且大險語能令鬼膽破何物鬼子敢相過  
囊富名高均足嗤鬼中之趣吾知之與君潑墨爲新詩  
得家信

忽忽辭家客蕭條對酒杯恰當三月暮喜見一書來乍  
讀平安語暫令懷抱開羈心極流水無處不潞洄

初食鮓魚

桃花簌簌雨踈踈寂莫無因慰索居幸有主人能愛客

不辭燒筍煮鰯魚

登奎光閣

雕甍百尺俯清秋，長嘯橫空獨倚樓。  
山向眼中排闥入，江從掌上拍天流。  
浪傾白墮非吾土，如此黃花竟客遊。  
砧杵滿城聲正急，西風何處攬貂裘。

九日資福寺看菊花

颯颯西風吹布袍，眞州九日又登高。  
偶然泥上留鴻爪，莫惜花前墜蟹螯。  
紅葉晚堆孤寺徑，碧天秋捲大江濤。  
陶然一醉應吾事，休向清尊問二豪。

論曲絕句三十二首

三分損益孰能明瓦釜黃鐘久亂聽豈特希人知大雅

可憐俗樂已飄零

唐志所稱俗樂二十八調今祇仙呂等六宮大石等十一調而已

工尺須從律呂求纖兒學語亦能詭區區竹肉尋常事  
認取崑崙萬里流

誰鑿人間曲海源詩餘一變更銷魂倘從五字求蘇李  
憶否完顏董解元

時人解道漢卿詞關馬新聲競一時振鬣長鳴驚萬馬  
雄才端合讓東籬

大都詞客本風流百歲光陰老更遒文到元和詩到杜  
月明孤雁漢宮秋

爲文前後公相襲千古才人慣乞靈若爲西廂尋粉本

莫忘醉走柳絲亭

王實甫西廂記全襲董解元卽莫戀宸京黃四娘一詩亦董本所有也

清如玉笛遠橫秋一月孤明論務頭不獨律嚴兼韻勝  
可人鴛被冷堆愁

殘紅撲簌胭脂落大石新詞最擅場安得櫻桃樊素口  
來歌一曲傷梅香

二甫才名世並誇自然蘭谷擅風華紅牙按到梧桐雨  
可是王家遜白家

天子朝門撮合新後園高弔榜頭人青衫淚與金錢記

祇許臨川步後塵

元青衫淚朝門勅配金錢記弔拷韓絢皆湯臨川之粉本也



妙手新纈五色絲繡來花樣各爭奇誰知白地光明錦  
卻讓陳州糴米詞

仲宣忽作中郎壻裴度曾爲白相翁若使硜硜徵史傳

元人格律逐飛蓬

元人雜劇事實多與史傳乖迕明其爲戲也後人不知妄生穿鑿陋矣

比干剖心鮑吉甫元奘拜佛吳昌齡摘星樓暨唐三藏

莫笑譌言都不經

捕望燒屯葛亮才隔江關智戒筵開至今委巷談三國

都白元人曲子來

是真是戲妄參詳撼樹蚍蜉不自量信否東都包待制

金牌智斬魯齋郎

元人關目往往有極無理可笑者蓋其體例如此近之作者乃以無隙可

校禮堂詩集

卷二

指爲貴於是彌縫  
愈工去之愈遠

傳奇作祖施君美散曲嗣音陳大聲待到故明中葉後  
吾家詞客有初成

弇州碧管傳鳴鳳少白烏絲述浣紗事必求真文必麗  
誤將剪綵當春花

四聲猿後古音乖接踵還魂復紫釵一自青藤開別派  
更誰樂府繼誠齋

玉茗堂前暮復朝葫蘆怕仿昔人描癡兒不識邯鄲步  
苦學王家雪裏蕉

顰齒顰眉各鬪妍梨花開出小乘禪鼎中自有神丹在

但解吞刀未是仙

仄語纖詞院本中惡科鄙譚亦何窮石渠尙是文人筆  
不解俳優李笠翁

婁東辛苦變吳歆良輔新聲玉不如誰向岐陽摹石鼓  
世人爭效換鵝書

一字沉吟未易安此中層折解人難試將雜劇標新異  
莫作詩詞一例看

語言辭氣辨須真比似詩篇別樣新拈出進之金作句

風前抖擻黑精神

抖擻著黑精神扎撒開黃髭髯康進之黑旋風負荆端正好曲也

半窗明月五更風天寶香詞句浪工底事五言佳絕處

不教移向晚唐中

王伯成天寶遺事半窗千里月一枕五更風似晚唐人詩於曲終不類也

前腔原不比么篇南北誰教一樣傳若把笙簧較弢索東嘉詞好竟徒然

諧聲製譜幾人諧徐沈分鑣論北南白介云科渾不辨浪傳于室其寧菴

卽空三籟訂南聲騷隱吳騷亦有情更與殷勤編曲品羨他東海鬱藍生

五聲清濁杳難分去上陰陽考辨勤韻是劉臻當日訂

周郎錯怨沈休文

周挺齋中原音韻亦誤以廣韻爲沈韻

一卷中原韻最明入聲元自隸三聲扣槃捫籥知何限

忘卻當年本作平

先纖近禁音原異誤處豪釐千里差漫說無人辨開閉  
車遮久已混家麻

下里紛紛競品題楊阿激楚付泥犁元人妙處誰傳得  
只有曉人洪稗畦

懷酌亭

回首河梁袂乍分滿天霜雪悵離羣  
揭來清夜吟餘際不夢梅花卽夢君

答凌仲子

章 洞

琢就新詞字字嬌此行况聽玉人簫憑將滴粉搓酥

句唱徧楊州廿四橋

程時齋山左書來云有登岱之作見示書達而詩  
不至戲作

扶奇古仙人不憚梁父艱齊魯未了青約束尺幅間丈  
人日觀等野馬囊中照耀金孱顏山靈拘囚苦局促夜  
化老人來叩關再拜告古仙何時歸我泰岱山答云我  
友在江介聊復寄示行當還退而訴真宰真宰大笑噴  
其頑乃命六丁握電逐金刀下剗赤鯉腹帶血持上天  
天公讀之亦欣然含笑顧玉女藏之金函貯天府新詩  
留絳闕素書不可發詔許赤鯉將之行又賜九河爲瀕

血神丹合其創素書與之吞置向天河中乘潮下天門  
天門水與長江通波濤汨沒隨飛龍飛龍騰蹕踏雲去  
朱鬣花鬢落釣筒有客相思適相遇呼童攜歸得尺素  
讀罷遲回思欲迷江天雲暗雨淒淒雄文險語知何處  
塵世惟留小赫蹏

校禮堂詩集卷二